

### Das Dreyzehende Buch.

Dchsenkopff gehabt/ einen Rückkopff habe ich drinnen/ den wil ich mir warlich auch nicht nemen lassen/ begere auch deines Dchsenkopffs nicht. Sieng also dauon/ vnd lies den trostigen Fransosen mit seinem Dchsenkopff schimpfflichen auff dem platz halten.

Gleichförmige Wapen.

Dergleichen kan sich wol mehr zutragen/ das zwey Geschlechter einerley Wapen haben/ so durchaus einander gleich/ vnd doch etwan ein wenig in Farben vnterschieden/oder sonst eines zusatzes/oder des Helms/ oder der Helmdecken/oder anderer dinge halben vnterschieden/vnd vngleichheit drinnen zu finden.

Auff eine zeit sind auch zwene vom Adel vneins worden des Wapens halben/ so sie beide gleich gefüret/ nemlich zwene güldene Schlüssel in blauem Felde/ einander gar ehlich. Als sie nu hant darüber wider einander disputirt/ ist des einen Bruder oder Freund darzu komen/vnd den streit also entschieden/das er gesagt/sein vnd seines Bruders Schlüssel weren hol wie solches oben an dem doppel srichlein zu sehen/ vnd deswegen viel ein andere art/denn die Schlüssel in des andern Wapen. Vnd also sind diese auch entschieden worden.

Aber wie im anfang dieses vnd auch des vorgehenden Capittels/ vnd sonst offts gedachte worden/ so können die Wapen besser nicht gebraucht werden/ denn wenn sie die jenigen/ denen sie zussehen/ also anschawen/ das sie dadurch sich erinnern/ Ehren vnd tügenen nachzustreben. Denn daran ist kein zweiffel/ das die Wbraten solche kurze Gemälde vnd zeichen eben darumb erwehlet vnd gefüret/ damit ire ehliche Thaten zubezeugen/ vnd gleich als mit einem ewigen sürgemahltem gedechtnis ihre Nachkommen zu gleicher Mannheit zu reizen/darzu dann auch ire Symbola, kurze Sprüche vnd Reimen/ so sie etwan bey ihre Wapen geschriben/ dienen sollen/ denn auch für alters Rittermeisige Leute gar tapffere Reimen oder Sprüchlein/ die etwas lehrhafftiges in sich gehabt/vnd nicht solche leichtfertige/lahme vnd lose fragen/wie man bisweilen jetzt bey den Wapen an die Wende geschmieret findet/ gebrauchet.

### Das Dreyzehende Buch.

Was den weltlichen Adel schwache/ geringere/ breche/ veracht vnd verdacht mache.

#### Das Erste Capittel.

Was der Adel aus vorgehenden Büchern/vnd nachmals auch aus folgenden zubetrachten habe/ vnd wie sie irer Stammenbäume gebrauchen mögen.

W J K